



**MILWAUKEE
PUBLIC SCHOOLS**

Jun 2, 2021

Hélou MPS Cómaj,

Ehón añáratu ar úggwa eskul bosór fúraitó háñsaiye, ar sóbse mockil bosór óttu ekkán bosór ót añárar fémili ar estháff óle gorigíyede hémayot óilde taarif or laayek. Añi noiya cúru ódde sámar loi samne aiyédde cíz iín beggín olla odóijjo óiyi.

Dhésthik ot añára beggín ólla, aında bosór ór plan goribólla sámar óilde cúzuk. Eskul Dharíkthar ólor Milwaukee Boóudh (Milwaukee Board of School Directors) é 2021-22 eskul bajéth ar eskul ot háfta e fáñs din fura-furi manúic házer owa ar éi cíthal ot kéla-dula ar eskul or forár baairor hashormo goribólla monzur goijjé bouli cúkuriya. Dhésthik é onlain taalimi program ore beeter ekityar mone gorédde fémili ólor fuwaindólla onlain program salu rákibou. Cíthal ibát kaamiyab óibólla añárar nojuwan manúic ar etháff ól beggún or zoruroti sápuoth faa fákka gorár moksót loi eskul-fóukas ar eskuilla fuwa-morkozi eskul bosór ór plan añára lagatar gori zaiyoum.

Sámar ar cíthal or toiyari loite, véksin marár kilinik buwáibólla añára Milwaukee Sehéti Dhipaáthmen (Milwaukee Health Department) loi mili has gori zaiyoum. Boc 12 bosór óite uoror fótti ekzon maincóllo véksin ókkol faa zaibou. MPS ot véksin marár tarík, thaim ar sáith ólor maalumata saibólla [fláiyar gan dhonlouth goró](#).

Fémili ar eskuilla fuwain ólolla dhoilla bodhoilla hashormo loi sámne añáratu úggwa masrúf sámar thaim áiyér. Cúndoijja mouka iínore kimot buzi hásel goriloibólla oñnorare hóuseladir.

Sámar Ekadémi Cúruóibou Hára

Kúci-háci taalim hásel gori cíthal or foráre mozbutgori cúru goitto sádde eskuilla fuwain beggún ólla asé Sámar Ekadémi! Tofsíl or sáte zanibólla soó mpsmke.com/summeracademy. K5-8 greidh or fuwain ókkol é só-háfta kémp ót húnor, muzík, hísab, sáñis, ar leka-forár háftawari tíim loi córik óit faribou. Secén ókkol Jun 22 óite Julai 29 ór maze beeinna 8:00 a.m. óite dúñijja 12:00 p.m. foijjonto solibou. Midhél ar hai eskul or fuwain óle kredhíth ókkol céc gorifaribou ba sámne agai faribou. Táki bou duwá secén: Jun 7- Julai 2 ar Julai 6-29 beeinna 8:30 a.m. óite dúñijja 12:30 p.m. foijjonto.

MPS Fémili Ólolla Sámar Hána Dhelivári Program – Jun 11 or bútoore rejísthar góijjo

Éi sámar ot, ZIP kóudh 53205, 53206, ba 53233 ot tákede fémili ólore MPS or Sámar Hána Dhelivári Program ot cámil óibólla dawot diyé. Program ibar maiddóme Julai ar Ógos ot beeinnar nasta ar dúñijjar hánar áithem loi hánar búñda ókkol dibou ar hána ólore háfta é tin bar gori MPS bás esthóp ar kessú enóradi gór óttu dizaibou. ZIP kóudh ólor fémili óle [hána ókkol faibólla, Jun 11, 2021 or bútoore rejísthar goró!](#)

Dhelivári elakar baaire tákede fémili ólottu hána ókkol ore MPS Sámar Hána Sárvís Program or maiddóme haás MPS eskul ólottu ána foribou. Age-odhárgora foribou. Jun 21, 2021 óttu cúrugori hána ólore Cómbar, Búidbar, ar Cúkkur ólot beinna 10:00 a.m. óite dúñijja 12:00 p.m. foijjonto loi faribou. Age-odhár goijja hána búñda ólot zehoníkkar boc 18 bosór ba nisór fuwain ólolla pekéthgora beeinnar nasta ar dúñijjar hána táki bou. Cómbar ar Búidbar ólot, hánar búñdat dui din ólla beeinnar nasta ar dúñijjar hána táki bou. Cúkkurbar ólot, fuwainde Cúkkurbar, Cónibar, ar Roibar ólla beeinnar nasta ar dúñijjar hána fáibou. Jun 7, 2021 óttu cúrugori hánar odhár ókkol éçe <http://mpsmke.com/meals> goijjó.



Sámar Hamgorár Mouka ókkol

- **Amodonigoró & Ciko Sámar Nojuwan Hamgorár Program** é éi sámar ólla dórhas ókkol ehóno kobulgorér! Program íbattu Milwaukee Koónthi ar Milwaukee sithít tákede boc 14-24 bosór nojuwan óle ham or tojúrba ar keriyár háalot ókkol buzi faribou. Aró mozit éntu zani loiyó [Hamgoró Milwaukee Amodoni & Cika](#).
- Oñne ham tuwódde MPS or eskuilla fuwa né? **MPS Nojuwan Jób Boóudh** céngori soó! Paáth-thaim, fúll-thaim, ar sámar jób or dozón or uore jób ókkol elan gora ase. Toiyarir karna, hánar sárvis, sehét-dekbal, gudam, ar boot dhóilla ham ókkol táke. Éçe soó [MPS Nojuwan Jób Boóudh!](#)
- **Milwaukee Rikriécen** é fúll-thaim, paáth-thaim, ar musómi pozicen ókkol loi zindhílla, taalimdoiya, líldhar, fíldh sárvis doiya, hédayotdoiya, ámpaiyar ar raferí ókkol bára gorér zetara Milwaukee sithít eskul ar cómají zaga ólot program ore sápuoth dibou. Milwaukee Rikriécen ot [bortoman aséde jób](#) soó.
- **Milwaukee Koónthi Parks** é cómajot sárvis dibólla boot rohom húnor óla ólore musómi ham de. [Milwaukee Koónthi Parks](#) wébsáith ot oñnor mon mozin eriyat threning ar ham or tojúrba óiboude indhílla pozicen aséne tuwai soó.
- **Milwaukee Rikriécen Arts Intháncíp Program** óilde mozuri dibboude sámar intháncíp program zeçe hai eskul or fuwain óle arts-taalukat pozicen ólot amóli jób tojúrba hásel gori faribou. [MKE Rec Arts Internship](#) program or hédayotnamar babote aró zaniloiyóre áijja dórhas ekkán furagoró!

Twiláith Senthárs Sámar Góndha

Sithír nojuwan fuwain ókkol ázinnar thaim ot beráibólla héfazoti zaga fáite, báissa eskul ólot Twiláith Senthárs é program ar bátti thaim ókkol de. Músom íbat, fáñssan hai eskul Twiláith Senthár (bóc 12-18) ar ékkan midhél eskul Twiláith Senthár (bóc 10-15) kúla ase zeçe nojuwan fuwa óle bórade hashormor, boóudh geims, kéla-dula, kúla giím, Twiláith Swim (Dooín Divicen ot), ar aró boot kessú goribor cúzuk faibou. Sámar ot kúla aséde [Twiláith Senthárs](#) or babote aró zaniloiyó.

Koléij ar Keriyár Senthár Sámar Góndha

MPS Koléij ar Keriyár Senthár estháff ókkol fura sámar ot gréidh 6 óite 12 (ar uorór) eskuilla fuwain ólore MAANA koléij ar keriyár sápuoth dibólla tákibou. Koléij ar keriyár modót ólla oñnor háñse aséde Koléij ar Keriyár Senthár ot zaiyó! Éi sámar ot Cómbar óttu Cúkkurbar ot beeinna 9:00 a.m. oite ázinna 3:00 p.m. foijjonto sáith sair gan kúla tákibou. Sámar program ar onlain ofís thaim or aró maalumat ólla meérbanigorí soó mpsmke.com/CACC.

Nojuwan, Boró manúic ar Fémili ólolla MKE Rec Cózuk ókkol

Fura bosór ot, Milwaukee Rikriécen é fura cómají ólla héfazoti, moza, ar ósta dilmoncánti ar bórade hashormor ókkol bebosta gore. Becírbak program ókkol maana yáto dam-hom, ar [nojuwan eskólarcíp ókkol](#) faa zaibou. Sámar mac ólot aró program ókkol tákibou, ziíne fuwain ar fémili ólore salu táka, noiya thaim haçár torika tuwaiifa, ar lamba thaim or yaadgari toiyarír boot cózuk ókkol goridibou. Sámar rejísthar gora [ehón kúla ase](#).

Ósta Sámar Fuwain Dekbal

Milwaukee Rikriécen é sámar íbat sithír bútoke tokoriban 70 gan sáith ólot ósta fuwain dekbal or bebosta goribou. Thíkana ókkol Jun mac ot tarík bodoli kúla tákibou ar sáith loi dam ókkol forók óibou. Aró maalumat ar [sáith ólor mép](#) ekkán ore tuwai soó éçe mkerec.net.



MILWAUKEE
PUBLIC SCHOOLS

Sámar Riídíng Fóra

- Sámar ot [MPS Reads!](#) Boir cúwaric ólla fótti mac or cúrut hobór loiyó, yáto giyóide mac ólor loi milai nizer motogori solai zaiyó. Liís ólla oñnor fonsóngora boi ókkol or o mocuwara dit fariba.
- Nojuwan, hoicca, ar boro manúic ólor Milwaukee Páblík Laibrari [sámar riídíng forár program ókkol](#) ot jóin goró.

Eskul bosór ibare cúndor goribólla has goijjéde fótti ekzon ore cúkuriya. Héfazot ar hazór sámar bonibólla solo añára nizer zimma adaigori!

Dil or Sáte,

Dr. Keith P. Posley
Eskul ólor Royis (Superintendent of Schools)